



FØRDE KOMMUNE
PERSONAL- OG
SERVICEEININGA

Finansdepartementet
postboks 8008 Dep
0030 OSLO

Vår ref.
13/2321-3/FE-232/JSH

Dykkar ref.

Dato:
17.09.2015

Høyring - eigedomsskatt på verk og bruk

Førde formannskap har i møte 17.09.2015 handsama sak om "Høyring - eigedomsskatt på verk og bruk" og der vart det gjort slik tilråding/vedtak:

Rådmannen sitt framlegg til vedtak:

1. Førde kommune ber regjeringa legge bort forslaget om at produksjonsutstyr og installasjonar ikkje lenger skal inngå i skattegrunnlaget for eigedomsskatt.
1. «Verk og bruk» må framleis vere eigen kategori i eigedomsskattelova, jfr eigedomsskattelova §§ 3 og 4.
2. Ved evt. gjennomføring av endringar i grunnlaget for eigedomskatten, må dei kommunar som får redusert sine inntekter frå eigedomsskatt få kompensert reduserte inntekter.
3. Førde kommune sluttar seg elles til høyringsuttale frå «Landssammenslutninga av Vasskraftkommunar» av 31.08.15.

Handsaming i Formannskapet 17.09.2015: **Samrøystes vedteke**

FORM-047/15 Vedtak:

1. Førde kommune ber regjeringa legge bort forslaget om at produksjonsutstyr og installasjonar ikkje lenger skal inngå i skattegrunnlaget for eigedomsskatt.
2. «Verk og bruk» må framleis vere eigen kategori i eigedomsskattelova, jfr eigedomsskattelova §§ 3 og 4.
3. Ved evt. gjennomføring av endringar i grunnlaget for eigedomskatten, må dei kommunar som får redusert sine inntekter frå eigedomsskatt få kompensert reduserte inntekter.
4. Førde kommune sluttar seg elles til høyringsuttale frå «Landssammenslutninga av Vasskraftkommunar» av 31.08.15.

Saksutgreiing følgjer vedlagt.

Med helsing

John Hjelkrem
Konsulent

Dette brevet er elektronisk godkjent av Førde kommune om det ikkje er signert.

Dok.dato	Tittel
03.09.2015	Høyring - eigedomsskatt på verk og bruk

Dok.ID
177029



Førde kommune

Styre, råd og utval
Formannskapet

Møtedato
17.09.2015

Saksnr
047/15

Sakshandsamar:
Lise Mari Haugen

Arkiv:
FE-232

Arkivsaknr.:
13/2321

Høyring - eigedomsskatt på verk og bruk

Bakgrunn for saka:

Finansdepartementet har 18.06.15 lagt ut høyringsnotat om [«Eiendomsbeskatning av arbeidsmaskiner m.v. i Verk og bruk»](#). Høyringsfristen er 18.09.15. KS har gjeve [høyringsuttale](#) 21.08.15. Førde kommune er medlem i LVK, og LVK har gjeve [høyringsuttale](#) 31.08.15.

Saksutgreiing:

Finansdepartementet legg i høyringsnotatet fram to alternativ til endring i eigedomsskatten. Begge forslaga legg opp til at ein skal halde «produksjonsutstyr- og installasjoner» utanfor grunnlaget for utskrivning av eigedomsskatt. I alternativ 2 foreslår departementet å fjerne utskrivingskategorien «verk og bruk». Departementet si målsetting er at eigedomsskatten skal avgrensast til skatt på byggingar og grunneigedom. Departementet legg opp til at vasskraftanlegg framleis skal vere skatteobjekt for eigedomsskatt. Dette inneber i praksis at industrianlegg, teleanlegg, fiberanlegg, overføringsanlegg og kraftlinjer samt trafostasjonar vil vere unnateke eigedomsskatt. Dei aktørane som vil har størst fordel av lovendringa er statsføretak som Statnett, Statkraft og Statoil, samt store industrikonsern som Hydro, andre kraftprodusentar og store teleselskap som eig infrastruktur, t.d. Telenor og Netcom. Det er vanskeleg å sjå at dette er selskap som har små driftsmaringar og dårleg inntening, og som derfor treng skattelette frå kommunane for å sikre forsvarleg drift.

Førde kommune har samla inntekt frå eigedomsskatt med 31,4 millionar kroner. Skattesatsen er 6,2 ‰, med differensiert skattesats for landbruk-, bustad- og fritidseigedomar for skatteåret 2015 på 2,6 ‰. Eigedomsskatt på verk og bruk utgjer i 2015 5,2 mill. kr. av samla eigedomsskatt. For Førde kommune vil dei endringane i takstgrunnlaget for eigedomsskatt medføre redusert inntekt på ca 1,5 millionar kroner. Endeleg inntektsbortfall vert ikkje klart utan ny taksering. Største anlegget som vert omfatta av ei evt. endring er Statnett sitt linjenett i samband med 420 KV linje Fardal- Ørskog. Førde kommune har i 2015 samla inntekt frå skatt og rammetilskot på 630 mill. kr. Redusert inntekt frå eigedomsskatt som følgje av den foreslegne endringa utgjer 0,2 % av desse inntektene. Dette kan synast som ei avgrensa innteksreduksjon, men vil i praksis utgjere kutt av 2-3 heile stillingar i drifta.

Departementet hevdar i sitt høyringsnotat at endringa vil føre til enklare regelverk og større grad av likehandsaming av verk og bruk og næringseigedommar. Rådmannen vurderer at det gjennom rettspraksis og frå lovgjevar er slått fast at integrerte maskinar og tilhøyre er ein del av fast eigedom, uavhengig om eigdommen er kategorisert som verk og bruk eller ikkje. Det er derfor ikkje grunn til å hevde at ulike eigedommar vert handsama ulikt i taksering i høve eigedomsskatt.

Dei anlegga som er taksert som verk og bruk er ofte store infrastrukturanlegg og energianlegg. Inntektene kommunane får frå eigedomsskatt frå slike anlegg, er ofte svært avgjerande for at kommunane legg til rette for og gjev samtykke til etablering av slike anlegg. For Førde kommune er det mest nærliggande eksempelet etablering av Statkraft sitt linjenett for 420 KV linja Fardal – Ørskog. I slike saker er det av betydning at det vert liggande igjen inntekter i kommunen og det lokale fellesskapet. Kommunen gjev frå seg råderetten over verdfulle naturressursar til anlegg, med til dels store og skjemmaende inngrep i naturen.

Rådmannen meiner at Førde kommune og andre kommunar må få kompensert inntektsbortfall som følgje av evt. endring av takstgrunnlaget for verk og bruk. Det er vanskeleg å sjå at regjeringa kan gjere dette gjennom inntektssystemet til kommunane eller gjennom den statlege selskappsskatten, og inntekta må derfor kompenseras på anna måte.

Rådmannen vurderer i samsvar med Landssamanslutninga av vasskraftkommunar (LVK) sin høyringsuttale at regjeringa sitt framlegg til endringar i eigedomsskatt på verk og bruk er dårleg fundert, og vil slå uheldig ut for Førde kommune.

Regjeringa sitt forslag inneber:

- Redusert inntekt for Førde kommune med 1,5 millionar
- Ei avgrensing av det kommunale sjølvstyre og kommunane sin rett til å skrive ut skatt
- Ei endring i tolking av takstgrunnlag for eigedomsskatt som har stått fast gjennom 100 år
- Auka skatteinntekt for staten direkte frå kommunesektoren
- Auka inntening for store industrikonsern og kraftbransjen framfor stabile inntekter til kommunesektoren
- Lita verdsetting av kommunar og lokalsamfunn som gjev frå seg naturressursar til storsamfunnet og industriell produksjon

Rådmannen sitt framlegg til vedtak:

1. Førde kommune ber regjeringa legge bort forslaget om at produksjonsutstyr og installasjonar ikkje lenger skal inngå i skattegrunnlaget for eigedomsskatt.
2. «Verk og bruk» må framleis vere eigen kategori i eigedomsskattelova, jfr eigedomsskattelova §§ 3 og 4.
3. Ved evt. gjennomføring av endringar i grunnlaget for eigedomsskatten, må dei kommunar som får redusert sine inntekter frå eigedomsskatt få kompensert reduserte inntekter.
4. Førde kommune sluttar seg elles til høyringsuttale frå «Landssammenslutninga av Vasskraftkommunar» av 31.08.15.

Handsaming i Formannskapet 17.09.2015:

Samrøystes vedteke

FORM-047/15 Vedtak:

1. Førde kommune ber regjeringa legge bort forslaget om at produksjonsutstyr og installasjonar ikkje lenger skal inngå i skattegrunnlaget for eigedomsskatt.
2. «Verk og bruk» må framleis vere eigen kategori i eigedomsskattelova, jfr eigedomsskattelova §§ 3 og 4.
3. Ved evt. gjennomføring av endringar i grunnlaget for eigedomskatten, må dei kommunar som får redusert sine inntekter frå eigedomsskatt få kompensert reduserte inntekter.
4. Førde kommune sluttar seg elles til høyringsuttale frå «Landssammenslutninga av Vasskraftkommunar» av 31.08.15.

Førde, den 07.09.2015

Ole John Østenstad
Rådmann

Lise Mari Haugen
Ass. rådmann
Tlf. 57612704